

全上古三代秦漢三國六朝文

全後漢文卷六十八

烏程嚴可均校輯

臧良

良廣陵射陽人。桓帝時爲徐州從事。辟司徒府。除雍奴令。靈帝時爲吳郡太守。熹平初。拜揚州刺史。遷使匈奴中郎將。徵拜議郎。轉長水校尉。歷中山太原太守。

上書訟第五種

臣聞士有忍死之辱。必有就事之計。故季布屈節于朱家。管仲錯行于召忽。此二臣已可死而不死者。非愛身于須臾。貪命于苟活。隱其智力。顧其權略。庶幸逢時有所爲耳。卒遭高帝之成業。齊桓之興。伯遺其亡。逃之行。赦其射鉤之讎。拔于囚虜之中。信其佐國之謀。勳效傳于百世。君臣載于篇籍。假令二主紀過于纖介。則此二臣同死于犬馬。沈名于溝壑。當何由得申其補過之功。建其奇

奧之術乎。伏見故兗州刺史第五種，傑然自建，在鄉曲無苞苴之嫌，步朝堂無擇言之闕。天性疾惡，公方不曲，故論者說清高曰：「種爲上序，直士曰種爲首。」春秋之義，選人所長，棄其所短，錄其小善，除其大過。種所坐曰盜賊，公負筋力未就，罪致徵徙，非有大惡。昔虞舜事親，大杖則走，故種逃亡，苟全性命，冀有朱家之路。曰：「顯季布之會，願陛下無遺須臾之恩，令種有持忠入地之恨。」後漢第五種傳

臧洪

洪字子源，旻子。舉孝廉爲郎，選補卽丘長。靈帝末，棄官，太守張超曰：「爲功曹。」起兵討董卓，眾散。袁紹使領青州，徙爲東郡太守。曰：「請救張超，不許與紹絕。」被圍歷年，城陷見殺。

酸棗盟辭

漢室不幸，皇綱失統。賊臣董卓乘釁縱害，禍加至尊，毒流百姓。大懼淪喪社稷，翦覆四海。兗州刺史岱、豫州刺史胤、陳畱太守邈、東

郡太守瑄廣陵太守超等糾合義兵竝赴國難凡我同盟齊心一
力已致臣節隕首喪元必無二志有渝此盟俾墜其命無克遺奇
皇天后土祖宗明靈實皆鑒之

後漢臧洪傳袁宏後漢紀二十四臧洪傳

答陳琳書

隔閤相思發于寤寐幸相去步武之間耳而已趣舍異規不得相
見其爲愴恨可爲心哉前日不遺比辱雅贖述敘禍福公私切至
所已不卽奉答者既學薄才鈍不足塞詰亦已吾子攜負側室息
肩主人家在東州僕爲仇敵已事人雖披中情墮肝膽猶身疏
有罪言甘見怪方首尾不救何能恤人且已子之才窮該典籍豈
將闇于大道不達余趣哉然猶復云云者僕已足知足下之言信
不由衷將已救禍也必欲算計長短辯論是非是非之論言滿天
下陳之更不明不言無所損又言傷告絕之義非吾所忍行也是
已捐棄紙筆一無所答亦冀遙忖其心知其計定不復淪變也重

獲來命、援引古今、紛紜六紙、雖欲不言、焉得已哉。僕小人也、本乏志用、中因行役、特蒙傾蓋、恩深分厚、遂竊大州、寧樂今日、自還接刃乎、每登城勒兵、觀主人之旗鼓、瞻望帳幄、感故友之周旋、撫弦擲矢、不覺流涕之覆面也。何者、自曰輔佐主人、無曰爲悔、主人相接過絕、等倫當受任之初、自謂究竟大事、埽清寇逆、共尊王室、豈悟天子不悅、本州見侵、郡將邁、隴里之戾、陳畱克、創兵之謀、請師見拒、辭行被拘、使洪故君遂至淪滅、區區微節、無所獲申、謀計棲遲、喪忠孝之名、杖策攜背、虧交友之分、揆此二者、與其不得已喪忠孝之名、與虧交友之道、輕重殊塗、親疏異畫、故便忍悲揮戈、收淚告絕。若使主人少垂古人孝恕之情、來者側席、去者克己、不汲汲于離友、信刑戮、自輔、則僕抗季札之志、不爲今日之戰矣。何曰效之。昔張景明親登壇、啗血、奉辭奔走、卒使韓牧讓印、主人得地、然後但曰拜章、朝主、賜爵、獲傳之故、旋時之間、不蒙觀過之貸。

而受夷滅之禍。呂奉先討卓來奔，請兵不獲，告去何罪？復見所刺，
濱于死亡。劉子璜奉使踰時，辭不獲命，畏威懷親，曰：「詐求歸，可謂
有志忠孝，無損霸道者也。」然輒偃斃麾下，不蒙愜除，僕雖不敏，又
素不能原始見終，覩微知著，竊度主人之心，豈謂三子宜死，罰當
刑中哉？實且欲一統山東，增兵討讐，懼戰士狐疑，無呂沮勸，故抑
廢王命，曰：「崇承制，慕進者蒙榮，違意者被戮。」此乃主人之利，非游
士之願也。故僕鑒戒前人，困窮死戰，僕雖下愚，亦嘗聞君子之言
矣。此實非吾心也。乃主人招焉。凡吾所曰背棄國民，用命此城者，
正曰君子之違，不適敵國故也。是曰獲罪主人，見攻踰時，而足下
更引此義，曰：「爲吾規，無乃辭同趨異，非吾子所爲休戚者哉？」吾聞
之也，義不背親，忠不遺君，故東宗本州曰：「爲親援中扶郡將。」曰：「安
社稷，一舉二得。」曰：「徼忠孝，何曰爲非？」而足下欲使吾輕本破家，均
君主人，主人之于我也，年爲吾兄，分爲篤友，道乖告去，曰：「安君親。」

可謂順矣。若子之言，則包胥宜致命于伍員，不當號哭于秦庭矣。苟區區于攘患，不知言乖乎道理矣。足下或者見城圍不解，救兵未至，感婚姻之義，推平生之好，曰爲屈節而苟生，勝守義而傾覆也。昔晏嬰不降志于白刃，南史不曲筆曰求生，故身著圖象。袁宏紀作名垂後世。況僕據金城之固，驅士民之力，敗三年之蓄，曰爲一年之資。匡困補乏，曰悅天下。何圖築室反耕哉！但懼秋風揚塵，伯珪馬首南向，張楊飛燕，膂力作難。北鄙將告倒懸之急，股肱奏乞歸之記耳。主人當鑒我曹輩反旌退師，治兵鄴垣，何宜久辱盛怒，暴威于吾城之下哉！足下譏吾恃黑山曰爲救，獨不念黃巾之合從，邪加飛燕之屬，悉曰受王命矣。昔高祖取彭越于鉅野，光武創基兆于綠林，卒能龍飛受命，中興帝業。苟可輔主興化，夫何嫌哉！況僕親奉璽書，與之從事行矣。孔璋足下微利于境外，臧洪授命于君親。吾子託身于盟，臧洪策名于長安。子謂余身死而名滅。

僕亦笑子生死而無聞焉悲哉本同而末離努力努力夫復何言

魏志臧洪傳又後漢臧洪傳載此少四百四十餘字其多出者亦四十餘字今合錄之又略見袁宏後漢紀二十八

寇榮

榮上谷昌平人雍奴侯恂曾孫桓帝時爲侍中延熹中坐罪亡

命誅

上書陳情

臣聞天地之于萬物也好生帝王之于萬人也慈愛陛下統天理物爲萬國覆作人父母先慈愛後威武先寬容後刑辟自生齒以上咸蒙德澤而臣兄弟獨已無辜爲專權之臣所見批抵青蠅之人所共搆會臣臣婚姻王室謂臣將撫其背奪其位退其身受其勢于是遂作飛章已被于臣欲使墜萬仞之阬踐必死之地今陛下忽慈母之仁發投杼之怒尚書背繩墨案空劾不復質明其過實于嚴棘之下便奏正臣罪司隸校尉馮羨佞邪承旨廢于王命

驅逐臣等不得旋踵臣奔走還郡沒齒無怨臣誠恐卒爲豺狼橫
見噬食故冒死欲詣闕披肝膽布腹心刺史張敬好爲諂諛張設
機網復令陛下興雷電之怒司隸校尉應奉河南尹何豹洛陽令
袁騰竝驅爭先若赴仇敵罰及死沒髡剔墳墓但未掘壙出尸剖
棺露髑耳昔文王葬枯骨公劉敦行草世稱其仁今殘酷容媚之
吏無折中處平之心不顧無辜之害而興虛誣之誅欲使嚴朝必
加濫罰是曰不敢觸突天威而自竄山林曰俟陛下發神聖之聽
啟獨觀之明拒讒慝之誼絕邪巧之言救可濟之人援投溺之命
不意滯怒不爲春夏息淹恚不爲順時意遂馳使郵驛布告遠近
嚴文剋剝痛于霜雪張羅海內設置萬里逐臣者窮人迹追臣者
極車軌雖楚購伍員漢求季布無曰過也臣遇罰曰來三赦再贖
無驗之罪足曰蠲除而陛下疾臣愈深有司咎臣甫力止則見埽
滅行則爲亡虜苟生則爲窮人極死則爲冤鬼天廣而無曰自覆

地厚而無已自載，蹈陸土而有沈淪之憂，遠巖牆而有鎮壓之患，精誠足已感于陛下，而哲王未肯悟，如臣犯元惡大愆，足已陳于原野，備刀鋸，陛下當班布臣之所坐，已解眾論之疑，臣思入國門，坐于肺石之上，使三槐九棘平臣之罪，而閭閻九重陷罪步設，舉趾觸罟罟，動行絰羅網，無絲至萬乘之前，永無見信之期矣。國君不可讎匹夫讎之則一國盡懼，臣奔走已來，三離寒暑，陰陽易位，當煖反寒，春常淒風，夏降霜雹，又連年大風折拔樹木，風爲號令，春夏布德，議獄緩死之時，願陛下思帝堯五教在寬之德，企成湯避遠讒夫之誠，已寧風旱，已弭災兵，臣聞勇者不逃死，智者不重囚，固不爲明朝惜垂盡之命，願赴湘沅之波，從屈原之悲，沈江湖之流，弔子胥之哀，臣功臣苗緒生長王國，懼獨含恨，已葬江魚之腹，無已自別于世，不勝孤死首丘之情，營魂識路之懷，犯冒王怒，觸突帝禁，伏于兩觀，陳訴毒痛，然後登金鑊，入沸湯，糜爛于熾爨。

死下脫而
字

之下九死未悔悲夫久生亦復何聊蓋忠臣殺身已解君怒孝子
殞命已寧親怨故大舜不避塗廋浚井之難申生不辭姬氏讒邪
之誑臣敢忘斯議不自斃已解明朝之忿哉乞已身塞重責願陛
下勾兄弟死命使臣一門頗有遺類已崇陛下寬饒之恩先死陳
情臨章涕泣泣血漣如

後漢寇恂附傳又見袁宏後漢紀二十一有附節

張儉

儉字元節山陽高平人舉茂才不就延熹末爲東部督郵建寧
中已黨禍亡命至中平初黨事解大將軍三公竝辟又舉敦樸
特徵拜少府皆不就建安初徵爲衛尉卒官年八十四

舉奏中常侍侯覽罪覺

覽貪侈奢縱前後請奪人宅三百八十一所田百一十八頃起立
第宅十有六區皆有高樓池苑堂閣相望飾已綺畫丹漆之屬制
度重深僭類宮省又豫作壽冢石椁雙闕高廡百尺歲人居室發

掘墳墓虜奪良人妻略婦子及諸罪毀請誅之

後漢書宦者侯覽傳案篇末二品

蓋范史約文今并錄之梅鼎祚文紀不取范史別載張璠漢紀云
儉為東部督郵覽家防東儉劾覽云中常侍侯覽起第十六區皆
高樓四角連閣洞門綺井蓮花
壁柱絲畫魚肉室苑擬諸宮闕

又奏

覽母生時交通賓客干亂郡國

後漢書同上

郭泰

泰字林宗太原介休人累辟公府皆不就

答友勸仕進者

吾遭察人事夜看乾象天之所廢不可支也方今運在明夷之爻
值勿用之位蓋盤桓潛居之時非在天利見之會也雖在原陸猶
恐滄海橫流吾其魚也況可冒衝風而乘奔波乎末若巖岫頤神
娛心彭老優哉游哉聊以卒歲

抱朴子正郭篇又袁宏後漢紀二
十三與此略同又後漢郭泰傳有

語四

與陳畱盛仲明書

足下諸人爲時棟梁

文選袁宏三國名臣贊注

蘇不韋方伍員論

子胥雖云逃命而見用強吳憑闔廬之威因輕悍之眾雪怨舊郢
會不終朝而但鞭墓戮屍已舒其憤竟無手刃後主之報豈如蘇
子單特子立靡因靡資強讎豪援據位九卿城闕天阻宮府幽絕
埃塵所不能過霧露所不能沾不韋毀身惟慮出于百死冒觸嚴
禁陷族禍門雖不獲逞爲報已深況復分體斷首曰毒生者使嵩
懷忿結不得其命猶假手神靈曰斃之也力唯匹夫功隆千乘以
之于員不已優乎

後漢蘇章傳

徐稚

稚字孺子豫章南昌人

與郭林宗書

大木將顛非一繩所維何爲棲棲不遑寧處

後漢紀

戴良

良字叔鸞一云字文讓汝南慎陽人舉孝廉再辟司空府俱不

就

案吳志士燮傳黃武五年孫權分交州已南爲交州戴良爲刺史蓋卽此

失父零丁

敬白諸君行路者敬告重罪自爲禍積惡致災天困我今月七日失阿爹念此酷毒可痛傷當已重幣用相償請爲諸君說事狀我父軀體與眾異脊背偃僂捲如裁脣吻參差不相值此其庶形何能備請復重陳其面目鵠頭鵠頸鵠狗啄眼淚鼻涕相追逐吻中含納無齒牙食不能嚼左右蹉口似西域口駱駝請復重陳其形骸爲人雖長甚細林面目芒蒼如死灰眼眶白陷如羹栢

御覽五百九十八

范冉

冉或作丹字史雲陳留外黃人桓帝時除萊蕪長遭母喪不到
官後辟太尉府議者欲召爲侍御史逃去遭黨錮十餘年後辟
三府應司空命自劾退又辟太尉府已疾不行中平二年卒年
七十四

遺令敕子

吾生于昏闇之世值乎淫侈之俗生不得匡世濟時死何忍自同
于世氣絕便斂斂已時服衣足蔽形棺足周身斂畢便穿穿畢便
埋其明堂之奠干飯寒水飲食之物勿有所下墳封高下令足自
隱知我心者李子堅王子炳也今皆不在制之在爾勿令鄉人宗
親有所加也

後漢書
范冉傳

楊喬

喬字聖達會稽烏傷人桓帝時爲尚書數上書陳政事詔妻曰
公主固辭不聽遂閉口不食七日而死

上書薦孟嘗

臣前後七表言故合浦太守孟嘗而身輕言微終不蒙察區區破
心徒然而已嘗安仁弘義耽樂道德清行出俗能幹絕羣前更守
宰移風改政去珠復還饑民蒙活且南海多珍財產易積掌握之
內價盈兼金而嘗單身謝病躬耕墾次隱景藏采不揚華藻實羽
翮之美用非徒腹背之毛也而沈淪草莽好爵莫及廊廟之寶棄
于溝渠且年歲有訖桑榆行盡而忠貞之節永謝聖時臣誠傷心
私用流涕夫物已遠至爲珍士已稀見爲貴槃木朽株爲萬乘用
者左右爲之容耳王者取士宜拔眾之所貴臣已斗筭之姿趨日
月之側思立微節不敢苟私鄉曲竊感禽息忘身進賢

後漢孟嘗傳

上諫

臣聞之曾子扣舷易水魚聞入淵鳥驚寥天

口口口口口口引會稽典錄

陽球

球字方正。漁陽泉州人。桓帝時舉孝廉。補尚書侍郎。出爲高唐令。建寧初。辟司徒劉寵府。舉高第。拜九江太守。遷平原相。熹平末。徵爲議郎。光和中。歷將作大匠。尚書令。遷司隸校尉。徙衛尉。爲中官曹節所誣。下獄誅。

奏罷鴻都文學

伏承有詔。敕中尚方爲鴻都文學。樂松江覽等三十二人。圖象立贊。曰。勸學者。臣聞傳曰。君舉必書。書而不法。後嗣何觀。案松覽等皆出于微蔑。斗筭小人。依憑世戚。附託權豪。俛眉承睫。微進明時。或獻賦一篇。或鳥篆盈簡。而位升郎中。形圖丹青。亦有筆不點牘。辭不辯心。假手請字。妖僞百品。莫不被蒙殊恩。蟬蛻滓濁。是日有識掩口。天下嗟歎。臣聞圖象之設。曰昭勸戒。欲令人君動鑒得失。未聞豎子小人。詐作文頌。而可妄竊天官。垂象圖素者也。今太學東觀。足已宣明聖化。願罷鴻都之選。曰消天下之誹。後漢陽球傳

奏劾王甫段熲

中常侍冠軍將軍王甫奉職多邪奸已事上其所彈糾皆由睚眦
勃海之誅宋后之廢甫之罪也太尉段熲已征伐微功位極人臣
不能竭忠報國而諂佞幸宜竝誅戮已示海內袁宏後漢書帝紀中光和二午

遷平原相敎

相前蒞高唐志埽姦鄙遂爲貴郡所見枉舉昔桓公釋管仲射鉤
之讎高祖赦季布逃亡之罪雖已不德敢忘前義況君臣分定而
可懷宿昔哉今一劬往愆期諸來效若受敎之後而不改姦狀者
不得復有所容矣後漢陽球傳

敎中都官從事

且先去大猾當次案豪右後漢陽球傳

何休

休字邵公任城樊人桓帝時拜郎中辭病去太傅陳蕃辟參政

事蕃敗坐廢後辟司徒府拜議郎遷諫議大夫有春秋公羊解詁十一卷公羊諡例一卷公羊條例一卷春秋漢議十三卷左氏膏肓十卷公羊墨守十四卷穀梁廢疾二卷

春秋公羊經傳解詁序

昔者孔子有云吾志在春秋行在孝經此二學者聖人之極致治世之要務也傳春秋者非一本據亂而作其中多非常異義可怪之論說者疑惑至有倍經任意反傳違戾者其勢惟問不得不廣是曰講誦師言至于百萬猶有不解時加醜嘲辭援引他經失其句讀曰無爲有甚可閔笑者不可勝記也是曰治古學貴文章者謂之俗儒至使賈逵緣隙奮筆曰爲公羊可奪左氏可興恨先師觀聽不決多隨二創此世之餘事斯豈非守文持論敗績失據之過哉余竊悲之久矣往者略依胡毋生條例多得其正故遂隱括使就繩墨焉

唐后
經本

朱儁

儁字公偉，會稽上虞人。桓帝時仕郡，後爲主簿。熹平中，舉孝廉，再遷除蘭陵令。光和初，拜交趾刺史，封都亭侯。徵爲諫議大夫。中平初，拜右中郎將，進封西鄉侯。遷鎮賊中郎將，拜右車騎將軍，還爲光祿大夫，更封錢唐侯，加位特進。母喪去官，起爲將作大匠，轉少府太僕，出爲河內太守。復拜光祿大夫，轉屯騎，尋拜城門校尉。河南尹、獻帝西遷，爲洛陽留守，棄官東屯中牟，徵爲太僕，代周忠爲太尉，錄尚書事。興平初，免，尋拜大司農。奉詔和郭汜，留不遣，發病卒。

奏上靈懷皇后尊號

春秋之義，母曰子貴，宜改葬皇妣，追上尊號，如穆宗、恭宗故事。

袁宏

後漢紀二十七，興平元年二月，太尉朱儁司徒庖于嘉司空張喜奏。

王允

允字子師太原祁人桓帝時爲郡吏後爲州別駕從事三府竝辟曰司徒高第爲侍御史中平初拜豫州刺史爲宦官所誣再徵下獄事得釋變姓名亡命少帝時大將軍何進請爲從事中郎轉河南尹獻帝初拜太僕再遷守尚書令代楊彪爲司徒封溫侯初平三年爲李傕等所殺

奏行六隱事

太史王立說孝經六隱事令朝廷行之消卻災邪有益聖躬

袁宏後漢

紀二十六

復奏

立學深厚此聖人祕奧行之無損

同上

董卓

卓字仲穎隴西臨洮人爲州兵馬掾桓帝末補羽林郎拜郎中遷西域戊己校尉坐事免後爲并州刺史河東太守中平初拜

東中郎將呂軍敗抵罪起爲中郎將拜破虜將軍進前將軍徵爲少府又拜并州牧皆不就少帝卽位何進謀誅宦官召入朝遂行廢立事獻帝卽位遷太尉領前將軍封鄒侯進位相國拜太師初平三年伏誅

被徵少府上書拒命

中平六年

涼州擾亂鯨鯢未滅此臣奮發效命之秋吏士踴躍戀恩念報各遮臣車辭聲懇惻未得卽路也輒且行前將軍事盡心慰卹効力

行陣

魏志董卓傳注引靈帝紀

斯將湟中義從及秦胡兵皆詣臣曰牢直不畢廩賜斷絕妻子飢凍牽挽臣車使不得行羌胡敝腸狗態臣不能禁止輒將順安慰增異復上

後漢董卓傳

被璽書拜并州收復上書拒命

臣旣無老謀又無壯士天恩誤加掌戎十年士卒大小相狎彌久

戀臣畜養之恩樂為國家奮一旦之命乞將之北州効力邊陲後漢

董卓傳又魏志董卓傳注引靈帝紀

到澠池上書請收張讓等典略作表

臣伏惟天下所已有逆不止者各由黃門常侍張讓等侮一作慢

天常操擅一作操王命後漢董卓傳中常侍張讓父

子兄弟竝據州郡一書出門便獲千金京畿諸郡數百萬膏腴美

田皆屬讓等至使怨一作變氣上蒸妖賊蠱起臣前奉詔討千扶羅

將士飢乏不肯渡河皆言欲詣京師先誅閹豎已除民害從臺閣

求乞資直臣隨慰撫已至新安臣聞場湯止沸不如滅火去薪潰

癰雖痛勝如養肉後漢董卓傳作勝于肉食及溺呼船悔之無及自篇首至此

趙鞅與晉陽之甲已逐君側之惡人今臣輒鳴鐘鼓如洛陽請收

讓等已清姦穢魏志董卓傳注後漢董卓傳又略見袁宏後漢紀二十

五

署教

司徒掾士壹不得除用

吳志士燮傳注引吳書

策廢少帝

案後漢董卓傳董卓廢少帝蓋董卓矯董卓太后策也

孝靈皇帝不究高宗眉壽之祚早棄臣子皇帝承紹海內側望而帝天姿輕佻威儀不恪在喪慢惰衰如故焉凶德既彰淫穢發聞損辱神器忝污宗廟皇太后教無母儀統政荒亂永樂太后暴崩眾論惑焉三綱之道天地之紀而乃有闕罪之大者陳留王協聖德偉茂規矩邈然豐下兌上有堯圖之表居喪哀戚言不及邪岐疑之性有周成之懿休聲美稱天下所聞宜承洪業爲萬世統可曰承宗廟廢皇帝爲弘農王皇太后還政

魏志董卓傳注引獻帝起居注又後漢董卓傳

載此策云皇帝在喪無人子之心威儀不類人君今廢爲弘農王又議太后賊迫永樂太后至今髮死逆婦姑之禮無孝順之節遣于永安宮案此蓋董卓矯董卓太后策也

范書袁紀並稱卓逼何太后爲廢帝策

賜進士出身二品銜廣東等處提刑按察使司按察使兼管驛傳事務黃岡王毓熾校刊

全後漢文卷六十九

烏程嚴可均校輯

蔡邕

邕字伯喈陳畱圉人建寧三年辟司徒橋玄府出補河平長召拜郎中校書東觀遷議郎光和初坐忤宦官徙五原遇赦虛卒不免亡命江海積十二年董卓為司空徵署祭酒舉高第補侍御史轉侍書御史遷尚書拜巴郡太守未行畱為侍中初平元年拜左中郎將封高陽鄉侯三年卓誅坐下獄死有月令章句十二卷獨斷二卷勸學一卷集二十卷

霖雨賦

夫何季秋之淫雨兮既彌日而成霖瞻玄雲之晦晦兮聽長雷之

淋淋中宵夜而歎息起飾帶而撫琴

魏文類聚二案此賦類聚編于魏曹植愁霖賦後題為

又愁霖賦張溥等因收人子建集今攷文選張協雜詩注引蔡邕霖雨賦云瞻玄雲之晦晦聽長雨之霖霖曹植美女篇注引蔡邕

霖雨賦云中宵夜而歎
息知此賦在蔡集中

漢津賦

夫何大川之浩浩兮洪流淼已立清配名位乎天漢兮披厚土而
載形發源自乎嶓冢兮引瀢灋而東征納湯谷之所吐兮兼漢沔
之殊名總畎澮之羣液兮演西土之陰精過萬山已左迴兮旋襄
陽而南縈切大別之東山兮與江湖乎通靈嘉清源之體勢澹澹
潏潏安流鱗甲育其萬類兮蛟螭集已嬉遊明珠胎于靈蚌兮夜
光潛乎玄洲維神寶其充盈兮豈魚龜之足收于是游目騁觀南
援三洲北集京都上控隴坻下接江湖導財運貨懋遷有無既乃
風焱蕭瑟勃焉竝興陽侯沛已奔驚洪濤涌已沸騰願乘流已上
下窮滄浪乎三澨覩朝宗之形兆瞰洞庭之交會疏文類聚八初
學記七古文苑
述行賦水經濟水注文選陸機前緩聲歌注引此題竝作
延熹二年秋霖雨逾月是時梁冀斬誅而徐璜左悺等五侯擅貴

于其處又起顯陽苑于城西人徒凍餓不得其命者甚眾白馬令
李雲已直言死鴻臚陳君已救雲抵罪璜已余能鼓琴白朝廷救
陳留太守發遣余到偃師病不前得歸心憤此事遂託所過述而
成賦

余有行于京洛兮遇淫雨之經時塗塗遭其蹇連兮潦汙滯而爲
災棄馬蹢而不進兮心鬱悵而憤思聊弘慮已存古今宣幽情而
屬詞夕宿余于大梁兮誚無忌之稱神哀晉鄙之無辜兮忿朱亥
之篡軍歷中牟之舊城兮憎佛肸之不臣問甯越之裔胄兮藐髣
髴而無聞經圃田而瞰北境兮悟衛康之封疆迄管邑而增感歎
兮愠叔氏之啟商過漢祖之所隘兮弔紀信于滎陽降虎牢之曲
陰兮路丘墟已盤縈勤諸侯之遠戍兮侈申子之美城稔濤塗之
懷惡兮陷夫人已大名登長坂已凌高兮陟葱山之堯陘建撫體
而立洪高兮經萬世而不傾迴峭峻已降阻兮小阜寥其異形岡

岑紆已連屬兮，谿谷復其杳冥。迫嵯峨已乖邪兮，廓巖壑已崢嶸。
攢械樸而雜榛枯兮，被浣濯而羅生布。疊莢與臺菌兮，緣層崖而
結莖行遊。目已南望兮，覽太室之威靈。顧大河于北垠兮，瞰洛汭
之始并。追劉定之攸儀兮，美伯禹之所營。悼太康之失位兮，愍五
子之歌聲。尋修軌已增舉兮，邈悠悠之未央。山風汨已颯涌兮，氣
燥燥而厲涼。雲鬱術而四塞兮，雨濛濛而漸唐。僕夫疲而劬瘁兮，
我馬虺頽已玄黃。格莽丘而稅駕兮，陰曢曢而不陽。哀衰周之多
故兮，眺瀕隈而增感。念子帶之淫逆兮，唁襄王于壇坎。悲寵嬖之
爲梗兮，心惻愴而懷慘。乘舫舟而泝湍流兮，浮清波已橫厲。想宓
妃之靈光兮，神幽隱已潛翳。實能耳之泉液兮，總伊瀝與澗瀨。通
渠源于京城兮，引職貢乎荒裔。操吳榜其萬艘兮，充王府而納最
濟。西溪而容與兮，息鞅都而後逝。愍簡公之失師兮，疾子朝之爲
害。玄雲黯已凝結兮，集零雨之溱溱。路阻敗而無軌兮，塗濫溺而

難遵率陵阿已登降兮赴偃師而釋勤壯田橫之奉首兮義二士

之夾墳

本作俠墳從義文類聚二十七引改

佇淹留兮候霽兮感愛心之殷殷并日

夜而遙思兮宵不寐已極晨候風雲之體勢兮天牢湍而無文彌

信宿而後閔兮思逶迤已東運見陽光之顯顯兮懷少弭而有欣

命僕夫其就駕兮吾將往乎京邑皇家赫而天居兮萬方徂而星

集

本作並集從文選前緩聲歌注引改

貴寵扇已彌熾兮僉守利而不戢前車覆而

未遠兮後乘驅而競及窮變巧于臺榭兮民露處而寢溼消嘉穀

于禽獸兮下糠粃而無粒弘寬裕于便辟兮糾忠諫其駿急懷伊

呂而黜逐兮道無因而獲入唐虞眇其既遠兮常俗生于積習周

道鞠爲茂草兮哀正路之日澀觀風化之得失兮猶紛拏其多違

無亮采已匡世兮亦何爲乎此繼甘衡門已監神兮詠都人而思

歸爰結蹤而迴軌兮復邦族已自綏亂已跋涉遐路艱已阻兮終

其永懷窮陰雨兮歷觀羣都尋前緒兮考之舊聞厥事舉兮登高

斯賦義有取兮則善戒惡豈云苟兮翩翩獨征無儔與兮言旋言

復我心胥兮

古文苑又略見藝文類聚二十七

玄表賦

庶小善之有益

文選謝朓拜中書記室辭隨王牋注

協和婚賦

惟情性之至好歡莫備乎夫婦受精靈于造化固神明之所使事
深微曰元妙實人倫之端始考遂初之原本覽陰陽之綱紀乾坤
和其剛柔良兌感其脢腠葛覃恐其失時標梅求其庶事惟休和
之盛代男女得乎年齒婚姻協而莫違播欣欣之繁祉良辰既至
婚禮已舉二族崇飾威儀有序嘉賓僚黨祈祈雲聚車服照路騶
駢如舞既臻門屏結軌下車阿傅御豎雁行蹀躞麗女盛飾嚙如
春華

初學記十
四古文苑

其在近也若神龍采鱗翼將舉其既遠也若披雲絲漢兒織女

苔碧山亭亭豎動若翡翠奮其羽服色燎照視之無主而苔明月

輝似朝日色若蓮葩肌如凝蜜

魏文照聚十七都覽三百八十一

長枕橫施大被竟牀莞弱和軟茵褥調良

北堂書鈔一百三十四

粉黛施落髮亂釵脫

書鈔一百三十五

檢逸賦

按陶潛閑情賦序云蔡邕作靜情賦檢逸辭而宗潛泊則此舊題作靜情賦

夫何姝妖之媛女顏煒燁而含榮普天壤其無儷曠千載而特生

余心悅于淑麗愛獨結而未并情罔象而無主意徙倚而左傾晝

騁情已舒愛夜託夢已交靈

魏文類聚十八

思在口而爲簧鳴哀聲獨不敢聆

北堂書鈔一百十

青衣賦

金生沙礫珠出蚌泥歎茲窈窕產于卑微盼倩淑麗皓齒蛾眉玄

髮光潤傾如蠟螭修長冉冉顧人其頤綺繡丹裳躡蹠絲屏盤跚

蹴蹠坐起昂低和暘善笑動揚朱脣都冶武媚卓鑠多姿精慧小

心趨事如飛中饋裁割莫能雙追關雎之潔不陷邪非察其所履
世之鮮希宜作夫人爲眾女師伊何爾命在此賤微代無樊姬楚
莊晉妃感昔鄭季平陽是私故因楊國歷爾邦畿雖得嫵婉舒寫
情懷寒雪翩翩充庭盈階兼裳累鎮展轉倒糞昐昕將曙雞鳴相
摧飭駕趣嚴將舍爾乖矇目矇目思不可排停停溝側噉噉青衣
我思遠逝爾思來追明月昭昭當我戶扉條風狎獵吹予牀帷河
上逍遙徒倚庭階南瞻井柳仰察斗機非彼牛女隔于河維思爾
念爾怒焉且飢

魏文類聚三十
五初學記十九

短人賦

侏儒短人僬僥之後出自外域戎狄別種去俗歸義慕化企踵遂
在中國形貌有部名之侏儒生則象父唯有晏子在齊辨勇匡景
拒崔加刃不忍其餘佗么劣厥僂僂噓噴怒語與人相拒矇昧嗜
酒喜索罰舉醉則揚聲罵詈恣口眾人患忌難與竝侶是曰陳賦

引譬比偶皆得形象誠如所語其詞曰

雄荆雞兮驚鷗鵲鳩鵲兮鷗鵲鷗鵲冠戴勝兮啄木兒觀短人兮

形若斯巴嶺馬兮柙下駒木集脫此句蟄地蝗兮蘆卽且蘭中蛹

兮蠶蠕蠕視短人兮形若斯木門閭兮梁上柱弊鑿頭兮斷柯斧

鞞鞞鼓兮補履樸脫椎杓兮禱薤杵視短人兮形如許本集初學

南條

瞽師賦

夫何矇眛之瞽兮心窮忽已鬱伊目冥冥而無覩兮嗟求煩已愁

悲撫長笛已攄憤兮氣轟鏗而橫飛詠新詩之文選劉楨贈五官

悲歌兮舒滯積而宣鬱何此聲之悲痛兮愴然淚已潛惻類離鵠

之孤鳴似杞婦之哭泣北堂書鈔一百一十七引兩條

時牢落已失次罟絳蹇而陽絕初學記十六御覽七百四十

案文選潘岳寡婦賦注引蔡伯喈女賦曰當三春之嘉月將言

歸于所天此丁廙蔡伯喈女賦也疏文類聚三十有長篇近或

采此二語
入蔡集誤

琴賦

爾乃言求茂木周流四垂觀彼椅桐層山之陂丹華焯燁綠葉參
差甘露潤其末涼風扇其枝鸞鳳翔其嶺玄鶴巢其岐攷之詩人
琴瑟是宜爰制雅器協之鍾律通理治性恬淡清溢爾乃閒闕九
絃出入律呂屈伸低昂十指如雨清聲發兮五音舉韻宮商兮動
徵羽曲引興兮繁絃撫然後哀聲既發祕弄乃開左手抑揚右手
徘徊指掌反覆抑案藏摧于是繁絃既抑雅韻復揚仲尼思歸鹿
鳴三章梁甫悲吟周公越裳青雀西飛別鶴東翔飲馬長城楚曲
明光楚姬遺歎雞鳴高桑走獸辛舞飛鳥下翔感激絃歌一低一
昂

藝文類聚四十四北堂書鈔一百九引九條初學記十六
文選文賦注又陸機擬古詩注引作琴頌頌即賦字寫誤

一彈三歎懷有餘哀

書鈔一百九

丹絃既張八音既平

文選江淹
雜擬詩注

苟斯樂之可貴宣簫琴之足聽

書鈔一百九

于是歌人恍惚已失曲舞者亂節而忘形哀人塞耳已惆悵轅馬

蹀足已悲鳴

書鈔一百九

案前明喬世盛汪士賢等刻蔡中郎集別收琴賦一篇
檢藝文類聚四十四初學記十六乃傅毅作也今刪

筆賦

昔蒼頡創業翰墨用作書契興焉夫制作上聖立則憲者莫隆乎

筆詳原其所由究察其成功鏘乎煥乎弗可尚矣

書鈔一百四初學記二十一

惟其翰之所生于季冬之狡兔性精亟已標悍體遒迅已騁步削

艾竹已爲管加漆絲之纏束形調搏已直端染玄墨已定色書乾

坤之陰陽讚三皇之洪勳敘五帝之休德揚蕩蕩之典文紀三王

之功伐分表八百之肆勤傳六經而輟百氏兮建皇極而序彝倫

綜人事于曖昧兮贊幽冥于明神象類多喻靡施不協上剛下柔

乾坤之正也新故代謝四時之次也圓和正直規矩之極也玄首

黃管天地之色也

藝文類聚五十八
初學記二十一

彈碁賦

榮華灼爍，萼不韡韡。于是列象碁，雕華麗。豐腹斂邊，中隱四企。輕利調博，易使騁馳。然後抵掣兵，碁夸驚。或風飄波動，若飛若浮。不遲不疾，如行如留。放一弊六，功無與儔。

藝文類聚七
十四古文苑

夫張局陳棋，取法武備。因嬉戲，曰肄業。託歡娛，曰講事。設茲文石，其夷如砥。采若錦繡，平若停水。肌理光澤，滑不可屢。乘色行巧，據險用智。

御覽七百
五十五

圓扇賦

裁帛制扇，陳象應矩。輕微妙好，其輶如羽。動角揚微，清風逐暑。春夏用事，秋冬潛處。

北堂書鈔一
百三十四

傷故栗賦

人有折蔡氏祠前栗者，故作斯賦。

樹邈方之嘉木兮，于靈宇之前庭。通二門，曰征行兮，夾階除而列生。彌霜雪之不凋兮，當春夏而滋榮。因本心，曰誕節兮，挺青檠之綠英。形猗猗，曰豔茂兮，似碧玉之清明。何根莖之豐美，將蕃熾，曰悠長。適禍賊之災人，嗟夭折，曰摧傷。苑文類聚八十七初學記二十八御覽九百六十四

蟬賦

白露淒其夜降，秋風肅曰晨興。聲嘶嗚曰沮敗，體枯燥曰冰凝。雖期運之固然，獨潛類乎太陰。要明年之中夏，復長鳴而揚音。苑文類聚

九十七初學記宋本三十

九惟文

八惟困乏，憂心殷殷。天之生我，星宿值貧六極之厄。獨遭斯勤，居處浮瀾。無曰自存，冬日栗栗。上下同雲，無衣無褐。何曰自溫，六月徂暑。炎赫來臻，無絺無綌。何曰蔽身，無食不飽。永離懼欣。苑文類聚三十

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷六十九終

全後漢文卷七十

烏程嚴

蔡邕二

對詔問災異八事

光和元年七月十日詔書尺一召光祿大夫楊賜諫議大夫馬日
碑議郎張華蔡邕太史令單鳳詣殿金商門引入崇德殿署門內
南辟幃中爲都座漏未盡三刻中常侍育陽侯曹節冠軍侯王甫
從東省出就都東面十門劉寵龐訓北面楊公南面日碑華邕鳳
西面受詔書各一通尺一木板草書兩常侍各諭旨朝廷曰災異
憂懼特旨密問政事所變改施行務令分明賜等稱臣再拜受詔
書起就坐五人各一處給財用筆硯爲對臣邕言今日十日詔召
金商門問臣邕災異之意臣學識淺薄心慮愚暗不足自答聖問
綜眾變征營佈謹別狀上臣頓首頓首

集本

魏書

詔問曰五月二十九日有黑氣墮溫明殿東庭中黑如車蓋騰起奮迅身五色有頭體長十餘丈形狀倡龍占者曰虹蜺對虹著于天而降施于庭曰臣所聞則所謂天投蜺者也。不見足尾者不得稱龍。易傳曰虹之比無德。曰色親也。潛潭巴曰虹出后妃陰禍王者。又曰五色迭至照于宮殿有兵革之事。演孔圖曰蜺者斗之精也。失度投蜺見態主惑于毀譽。合誠圖曰天子外苦兵威內奪臣無忠則天投蜺變不空生。占不空言意者陛下樞機之內衽席之上獨有曰色見進陵尊踰制。曰招變象若羣臣有所毀譽聖意低回未知孰是。兵戎未息威權浸移忠言不聞則虹蜺所在生也。抑內寵任中正決毀譽分直邪各得其所嚴守衛整武備威權之機不曰假人則其所救也。易傳曰陽感天不旋日。書曰唯辟作威唯辟作福。臣或爲之謂之凶害。是曰明主尤務焉。

補引兩條又初學記二引漢名臣奏又開元占經九十八引續漢書

本集續漢五行志五又五行志五注

詔問曰正月三日有白衣入德陽殿門辭稱梁伯夏敎我上殿與中黃門桓賢晤言相往來不得入遂亡去不知姓名臣聞凡人爲怪皆黃極道失下或謀上故其傳曰皇之不極是謂不建則有下謀上之病孝成綏和二年八月男子王褒絳衣小冠帶劒入北司馬殿東門上殿大室解帷組佩之招前殿署王業等曰天帝命我居此業收縛考問褒故公車卒病狂不自知入宮乃下獄死是時王莽爲大司馬遂爲篡亂亦卒誅臣竊思之與綏和時相似而有異被服旣不同又來入雲龍門而稱伯夏敎入殿裏與桓賢言伯夏卽故大將軍梁商商子冀冀子不疑等皆曰罪受戮殘餘非天所祐曰往況今將有狂狡之人欲爲王氏之禍未至殿省而覺亡不久伏誅夫誠仰見上帝之厚德也潛潭巴曰有人走入宮不知其名大水爲戒天子驚羣陰太隆羣下竝湊強盛也建大中之道舉賢良而寵祿之則其救也經曰皇建其有極斂時五福用敷錫

厥庶民惟時厥庶民于汝極錫汝保極

本集續漢五行志五

詔問曰南宮侍中等聞雌雞化爲雄尾頭毛已似雄頭尙未變臣聞凡雞爲怪皆貌之失也其傳曰貌之不恭是謂不肅時則有雞禍孝宣帝黃龍元年未央宮輅軫中雌雞化爲雄不鳴無距是歲元帝初卽位將立妃王氏爲后至初元元年丞相史家雌雞化爲雄冠距而鳴是歲封后父禁爲平陽侯而女立爲皇后王氏之寵始盛至哀帝晏駕后攝政王莽曰后兄子爲大司馬由是爲亂昔武王伐紂曰牝雞司晨惟家之索易傳曰婦人專政國不靜牝雞雄鳴主不榮夫牝雞但雄鳴尙有索家不榮之名況乃陰陽易體名實變改此誠大異臣竊曰意推之頭爲元首人君之象也今雞一身已變未至于頭而聖主知之訪問其故是將有其事而不遂成之象也若應之不精政無所改頭冠或成爲患茲大敬慎威儀動作之容斷取御改興政之原則其救也夫曰匹夫顏氏之子有

過未嘗不知知之未嘗復行易曰不遠復無祇悔元吉

本集又續漢五行志

一引兩條又後漢蔡邕傳注引續漢志兩條又後魏崔光傳

詔問曰踐阼已來災眚屢見頻歲日蝕地動風雨不時疫癘流行勁風折樹河洛盛溢臣聞陽微則日蝕陰勝則地震思亂則風貌失則雨視闇則疫癘流行簡宗廟則水不潤下河流滿溢明君臣正上下抑陰尊陽脩五事于聖躬致精慮于供御則其救也

本集續漢

五行志六注補

詔問星辰錯謬臣竊見熒惑變色入太微西門太白正晝而見臣聞熒惑示變人主當精明其德則有休慶之色又曰非其月令尊宿法當君臣出端謀戒不臣太白當晝而見是陰陽爭明強國弱弱國強皆有失政又失道而見是為羸長侯王不榮熒惑主禮太自主兵謹禮事治兵政審察中外之言申明門戶守禦之令曰杜漸防萌則其救也昔宋景公小國諸侯三有德言而熒惑為之退

舍本集

詔問曰連年蝗蟲至冬蝻其咎安在邕對曰臣聞見符致蝗曰象其事易傳曰大作不時天降災厥咎蝗蟲來河圖祕徵篇曰帝貪則政暴而吏酷吏酷則誅深必殺主蝗蟲蝗蟲貪苛之所致也息不急之作省賦斂之費進清仁黜貪虐分損承安屈鉤省別藏已贍國用則其救也易曰得臣無家言有天下者何私家之有本集

五行志三又注補又後漢書傳注引續漢志又執文類聚一百

詔問南宮平城門內屋武庫屋及外東垣屋各損壞

五行志作臣前後損壞

愚曰爲平城門正陽之門與宮連郊祀法駕所從出門之最尊者也武庫禁兵所藏東垣庫之外障國家之本兵也變此二處異于瓦屋易傳曰小人在位上下咸悖厥妖城門內崩潛潭巴曰宮瓦自燬諸侯強凌主易傳曰昔一柱泥故法棄其咎宮室傾圯此皆小人在顯位諸侯強凌主之漸臣意請率由舊章黜小人曰尊上

整下去暴悼之愆已變柱泥棄法之咎則其救也洪範傳曰六沴作見若時共禦帝用不差神則不怒五福乃降用彰于下

本集續漢五行

一

又詔特問比災變互生未知厥咎朝廷焦心載懷恐懼每訪羣公

卿士庶聞忠言皆各括囊迷固莫肯建忠規闕已邕博學深奧退

食在公故特密問宜披演所懷

文選任彦昇天監三年策秀才文注引范曄書作宜披露得失

指陳政要所先後勿有依違願忌已經術分別阜囊封上勿漏所問

臣邕伏唯陛下聖德允明深悼災咎德音懇誠褒臣博學深奧退

食在公特垂訪及非臣螻蟻愚怯所能堪副斯誠輸寫肝膽出命

之秋豈可已願患避害復使陛下不聞至戒哉臣邕頓首死罪伏

思諸異各應皆亡國之怪也天于大漢殷勤不已赤帝之精輔或

未衰故屢出妖變已當責讓欲令人君因已感悟則危可爲安凶

可作吉假使大運已移豈有譴告哉春秋魯定哀公之時周德已

絕故數十年無有日蝕此爲天所棄故也至于今者災眚之發不
于他所遠則門垣近在寺署其爲鑒戒紛降目前欲使陛下豁然
大寤可謂至切矣幸陛下深問臣敢不盡情已對虹蜺墮雌雞化
皆婦人奸政之致也自卽祚已來中官無地逸竄而乳母趙嬈貴
重赫赫生則貲藏侔于天府死則巨墓踰越園陵兩子受封兄弟
典郡過事旣已續曰永樂門吏霍玉依阻城社大爲奸邪盜寵竊
權侮惑之罪晚乃發露雖房獨治畏慎疏賤妄乃得妄意事必積
浸然後成形虹蜺集庭雌雞變化豈不謂是今日道路所言紛紛
復云有程大人者案程瑛用事宮中所謂程大人也見陳球傳察其風聲將爲國患宜
高其隄防明設禁限深惟趙霍已爲至戒且侍御于百里之內而
知外事誠當窮治何緣聞之所已令安之也又前詔畫實核已玉
氣勢爲官者踰時不覺司隸校尉岑初考彥時截取典計教者一
人綴之如玉渚所戒成不朝可知而還移州釋本問末論者疑太

尉張顥與交賈爲玉所進暗昧已成非外臣所能審處如誠有之
近者不治無已正遠傾邪在官常有所懲光祿勳姓璋所在尤名
貪濁九列之中豈宜有此牧守數十選代既不盡由本朝反有異
輩無已示四方聖意勤勤欲流清蕩濁扶正黜邪不得但已州郡
無課而已長水校尉趙玼屯騎校尉蓋升竝叨時幸其實已足其
富已甚當已見災之故爲陛下先羣臣早引退已解易傳所載小
人在位之咎伏見廷尉郭禧敦龐純厚國之老成光祿大夫橋玄
聰達方直有山甫之姿故太尉劉寵聞人襲寵忠實守正襲懼幅
剛直竝宜爲謀主數見訪問夫宰相大臣君之四體優崇委重任
用責成納其英慮優游訪求已盡其情相待已禮相引見論議當
因其言居位十數年當此之際尙儉約崇經藝浮輕之人不引在
朝廷淺短之書不干于目貴戚敏手中外悚慄莫敢犯禁不獨得
之于追沒之三公也春秋之義已貴治賤遠閒親小加大引在六

逆陞階增則堂高輔位重則上尊不宜復聽納小吏雕琢大臣也
取圖寫讞厲曰顛沛羣臣慘慘憂懼自危非典衡之道夫憂樂不
竝喜戚異方畏災責躬念當專一精意曰思變則上方巧技之作
鴻都篇賦之文宜且息心曰示憂懼詩云畏天之怒不敢戲豫天
之戒誠不可戲也宰府孝廉士之高選不可求曰虛名但當察其
真偽曰加黜陟近者每曰辟召不慎切責三公孝廉襍揉試之曰
文而竝曰書疏小文一介之技命臣下超取選舉眾心不厭莫之
敢言羣公尙先意承旨曰悅郎吏舍人閒職長吏便宜促行誰敢
違旨至于宰府孝廉顛倒下開託屬之門上違明王舊典無益于
德矣臣願陛下強納忠言忍而絕之側身踊躍思惟萬機曰荅天
望曰導嘉應聖朝既自約厲曰身率人左右近臣亦宜戮力從化
人自抑搢曰塞咎戒則天道虧滿鬼神福謙久高不危常滿不逸
羣公之福諸侯凌主之戒不可不察也臣邕愚慙感激忘身敢觸

言思謹手書具對夫君臣不密上有漏言之戒下有失身之禍臣
敢漏所問願寢臣表無使盡忠之吏受怨姦傳本集後漢蔡邕傳又袁宏後漢紀二

四十

成邊上章

朔方髡鉗徒臣邕稽首再拜上書皇帝陛下臣邕被受陛下九異

大恩初由宰府備數典城臣叔父故衛尉質時為尙書御覽作目親父故依

叔父衛尉質時召拜郎中受詔詣東觀著作遂與羣儒並拜議郎沐

浴恩澤承答聖問前後六年質奉機密趨走日下遂由端右出相

外藩還尹輦轂旬日之中登蹕上列父子一門兼受恩寵不能輪

寫心力臣效絲髮之功一旦被章陷沒辜戮陛下天地之德不忍

刀鋸截臣首領得就平罪父子家屬徙充邊方完全軀命喘息相

隨非臣無狀所敢復望非臣罪惡所當復蒙非臣辭筆所能復陳

臣初決罪雒陽詔獄生出牢戶願念元初中故尙書郎張俊坐漏

泄事當伏重刑已出穀門復聽讀輒詔書馳救減罪一等輸作左校俊上書謝恩遂召轉徙郡縣促遣徧于吏手不得頃息含辭抱悲無由上達臣既到徙所乘塞守烽職在俟望憂怖焦灼無心復能操筆成草致章闕庭誠知聖朝不責臣謝但懷愚心有所不竟臣自在布衣常曰爲漢書十志下盡王莽而止世祖曰來唯有紀傳無續志者臣所師事故太傅胡廣知臣頗識其門戶略曰所有舊事與臣雖未備悉粗見首尾積累思惟二十餘年不在其位非外吏庶人所得擅述天誘其衷得備著作郎建言十志皆當撰錄遂與議郎張華等分受之所使元順難者皆曰付臣先治律厯曰籌算爲本天文爲驗請太史舊注考校連年往往頗有差舛當有增損乃可施行爲無窮法道至深微不敢獨議郎中劉洪密于用算故臣表上洪與共參思圖牒尋繹適有頭角會臣被罪逐放邊野臣竊自痛一爲不善使史籍所闕胡廣所校二十年之思中道

廢絕不得究竟悽悽之情猶已結心不能違望臣初欲須刑竟乃因縣道具已上聞今年七月九日匈奴始攻郡鹽池縣其時鮮卑連犯雲中五原一月之中烽火不絕不意四夷相與合謀所圖廣遠恐遂爲變不知所濟郡縣咸懼不守朝旦臣所在孤危懸命鋒鏑湮滅土灰呼吸無期誠恐所懷隨軀腐朽抱恨黃泉遂不設施謹先顛踣科條諸志臣欲刪定者一所當接續者四前志所無臣欲著者五及經典羣書所宜摺摭本奏詔書所當依據分別首目并書章左臣初被考妻子避竄亡失文書無所案請加已惶怖愁恐思念荒散十分不得識一所識者又恐謬誤觸冒死罪披散愚情願下東觀推求諸奏參已璽書已補綴遺闕昭明國體章聞之後雖肝腦流離白骨剖破無所復恨惟陛下留神省察臣謹因臨戎長霍園封上有律厯意禮意樂意郊祀意天文意車服意朝會意五行意

案此下有開文劉知幾史通稱邕作朝會車服二志又後漢本傳云事在五行天文志則十意中有朝會及五

行其餘二意蓋臣頓首死罪稽首再拜曰聞續漢律厯志下注補地理藝文也後漢本傳邕上書自陳奏其所著十意注引邕別傳邕昔作十意云云又載文類聚八十御覽三百三十五引蔡邕徒朔方上書又本集外傳案本傳別傳皆作十意則劉昭所引禮樂志表志初學記所引天文志原本意字傳寫變其文耳

律厯意

前漢志但載十二律不及六十律尺寸相生宋書律志引蔡邕徒朔方上書

凡律所革呂變律呂相生至六十也文選陸倕新刻漏銘注引蔡邕律厯志

案劉昭注補志序云律厯之篇仍乎洪邕所構則續律厯志即邕書也洪謂劉洪今不具錄

禮意續漢禮儀志上注補引謝沈書太傅胡廣博綜舊儀立漢制度蔡邕因呂為志

孝武帝封禪岱宗立明堂于泰山汶上御覽五百三十三引蔡邕禮樂志

顯宗因祀光武皇帝于明堂養三老五更于辟雍威儀既盛矣德

化未流洽者呂其禮樂未具羣下無所誦說而庠序尙未設之故

也孔子曰譬如爲山未成一簣止吾止也續漢禮儀志上注補引蔡邕禮樂志

樂意

漢樂四品。一曰大予樂典。郊廟上陵殿諸食舉之樂。郊樂易所謂先王曰作樂崇德。殷薦上帝。周官若樂六變則天神皆降。可得而禮也。宗廟樂。虞書所謂琴瑟曰詠祖。考來假詩云肅雍和鳴。先祖是聽。食舉樂。王制謂天子食舉曰樂。周官王大食則命奏鍾鼓。二曰周頌雅樂典。辟雍饗射六宗社稷之樂。辟雍饗射。孝經所謂移風易俗。莫善于樂。禮記曰揖讓而治天下者。禮樂之謂也。社稷所謂琴瑟擊鼓曰御田祖者也。禮記曰夫樂施于金石。越于聲音。用乎宗廟社稷。事乎山川鬼神。此之謂也。三曰黃門鼓吹。天子所曰宴樂。羣臣詩所謂坎坎鼓我。蹲蹲舞我者也。其短簫鐃歌。軍樂也。其傳曰黃帝岐伯所作。曰建威揚德。風勸士也。蓋周官所謂王大捷則令凱樂。軍大獻則令凱歌也。孝章皇帝親著歌詩四章。列在食舉。又制雲臺十二門新詩。下太子樂官習誦。被聲與舊詩並行者。皆當撰錄。曰成樂志。續漢禮儀志中注補引蔡邕禮樂志案北堂書鈔九十六篇篇引蔡邕敘樂云世

祖追修前業采識緯之文

郊祀意

續漢志曰黃門鼓吹興昌來所修者為祭祀志即邑之意也

孝明立世祖廟昌明再受命祖有功之義後嗣遵儉不復改立皆

藏主其中聖明所制一王之法也自執事之吏下至學士莫能知

其所曰兩廟之意誠宜具錄本事建武乙未元和丙寅詔書下宗

廟儀及齋令宜入郊祀志永為典式

續漢志下注

宗廟迭毀議奏國家大體班固錄漢書乃置韋賢傳末臣曰問胡

廣廣昌為實宜在郊祀志去中鬼神仙道之語取賢傳宗廟事實

其中既合孝明旨又使祀事昌類相從

續漢志下注

天文意

續漢志上注補引謝沈書蔡邕撰建武已後星驗著明昌續前志

言天體者有三家一曰周髀二曰宣夜三曰渾天宣夜之學絕無

師法周髀數術具存考驗天狀多所遺失故史官不用唯渾天者

近得其情今史官所用候臺銅儀則其法也立八尺圓體之度而

具天地之象曰正黃道曰察發斂曰行日月曰步五緯精微深妙
萬世不易之道也官有其器而無本書前志亦闕而不論臣求其
舊文連年不得在東觀曰治律未竟未及成書案略求索竊不自
量卒欲寢伏儀下思惟精意案度成數扶曰文義潤曰道術著成
篇章罪惡無狀投畀有北灰滅雨絕世路無由宜博問羣臣下及
嚴穴知渾天之意者使述其義曰裨天文志撰建武以來星變彗
孛占驗著明者續其後續漢天文志上注補引蔡邕表志又後漢
張衡傳注引漢名臣奏宋書天文志一引
蔡邕千朔方上言開元占經一引蔡邕天文志
千朔方上書初學記二引蔡邕天文志

車服意

曰文義不著之故俗人多失其名

續漢輿服志上注
補引蔡邕表志

甘泉
鹵簿

國家舊章而幽僻藏蔽莫之得見上

俗人失其名故名冕為平天冠五時副車曰五帝鸞旗曰雞翹金
根曰三蓋其制非一御覽七百七十三
引蔡邕車服志

永平初詔書下車服制度中官皇太子親服重繒厚練浣已復御
率下已儉化起機諸侯王已下至于士庶嫁娶被服各有科品當
傳萬世揚光聖德臣已爲宜集舊事儀注本奏已成志也

注補引蔡邕表志

孝明帝作蠙珠之佩已郊祀天地

御覽六百九十二引蔡邕與服志

案劉昭注補志序云車服之本即依董蔡所立則續輿服志即董巴及邕志也今概不錄

朝會意

羣臣朝見之儀視不晚朝十月朔之故已問胡廣廣曰舊儀公卿

已下每月常朝先帝已其頻故省唯六月十月朔朝後復已六月

朔盛暑省之

續漢禮儀志中注補引蔡邕曰云云案當在朝會意又案南齊書禮超傳載王儉議云朝會志前史不

舊儀此乃伯喈一家之意

賜進士出身二品銜廣東等處提刑按察使司按察使兼管驛傳事務黃岡王毓藻校刊

全後漢文卷七十終

全後漢文卷七十一

烏程嚴可均校輯

蔡邕三

上始加元服與羣臣上壽章

伏惟陛下應天淑靈丁其中興誕在幼齡聖姿頤義威儀孔備俯仰龍光顏如日星言稽典謨動蹈規矩緝熙光明思齊周成早智夙就參美顯宗令月吉日始加元服進御幘結呂章天休臣妾萬國遐邇大小一心同歡同喜逸豫式歌且舞臣等不勝踴躍晷藻謹奉牛一頭酒九鍾稽首再拜上千萬壽陛下享茲吉福永守皇極通遵太和靖綏六合宜民宜人受祿于天書曰一人有慶兆民賴之其寧惟永詩曰暵暵印印如珪如璋令聞不忘萬壽無疆

人略見書鈔一百二

十七引蔡邕雜章

表賀錄換誤上章謝罪

今月十八日臣呂相國兵討逆賊故河內太守王匡等屯陳破壞
斬獲首級詣朝堂上賀臣邕奉賀錄故羽林郎將李參遷城門校
尉而署名羽林左監右衛在朝堂而不在錄咎在臣不詳省案使
參已亡爲存衍已存爲亡錯奏謬錄不可行侍御史劾臣不敬當
賜刑書懲戒不恪陛下天地之德不辱收戮丙辰詔書曰一月俸
贖罪臣邕怔營慙怖屏氣累息不知所自投處臣邕頓首死罪臣
不惟石慶數馬之誤簡忽校讎不謹之愆雖見原宥仰愧先臣傷
肌入骨不勝忪蒙流汗

集本

讓高陽鄉侯章

制詔左中郎將蔡邕今封邕陳留雍丘高陽鄉侯下印綬符策假
限食五百戶歲五十萬穀各米臣稽首受詔怔營喜懼精魄播超
恍惚如夢不敢自信臣伏惟糠粃小生學術虛淺少竊方正長屨
宰府備數典城著作東觀無狀取罪捐棄朔野蒙恩徙還退伏賦

畝復階朝謁進察憲臺遂充機密令守巴郡還備侍中車駕西還
執鞭跨馬及看輪轂升輿下軫扶接聖躬既至舊京出備郎將中
外所疑對越省闔羣臣之中特見褒異訖無難犬鳴吠之用常曰
汗墨愧負恩寵誠不意寤猥與公卿目下錄功受賞命服金紫爵
至通侯非臣草萊功勞微薄所當被蒙臣邕頓首死罪臣十四世
祖肥如侯佐命高祖曰受爵賞統嗣曠絕除在匹庶臣子遺苗裔
復蒙顯封前功輕重不侔慙惶累息無心怡寧唐虞之朝猶美三
讓臣者何人受而不讓臣不勝戰悼恍惕詣闕拜章上所假高陽
鄉侯印綬符策伏受罪誅臣得微勞被受爵邑光寵榮華耀熠祖
禰非臣小族陋宗器量褊狹所能堪勝非臣力用勤勞有所當受
誠無安寧甘悅之情拘迫國憲下不敢逆苟順恩旨退省金龜紫
綬之飾非臣容體案書鈔一百三十一引漢末雜事作非臣庸體所當服佩中讀符策誥
戒之詔非臣才量所能祇奉昧日彌久震懼益甚臣聞高祖受命

元功翼德與共天下者爵土故曰使黃河若帶太山若礪國曰永
存爰及苗裔夫山河至大猶謂之小重功輕賞如此其至也是曰
戰功之事大有陷堅破敵斬將奪旗之功小有馘截首級履傷涉
血之難勤苦軍旅連年累歲首如蓬葆體如漆幹勞瘁辛苦如此
其重也曰受爵土誰曰不宜今者聖朝遷都應順天人奔走之役
臣僕職分宜然臣事輕葭莩功薄蟬翼臣恐史官錄書臣等在功
臣之列陷恩澤之科垂名後葉作戒末嗣非本朝之德政遇臣之
長策臣是曰宵旰晨興叩膺增歎心煩慮亂喘呼息吸且鷓鴣巢
林不過一枝鷓鴣飲河不過滿腹小人之情求足而已不勝大願
乞如前章云云臣忝自參省資非哲人藩屏之用器非殿邦佐君
之才憂心灼灼耳目昏盲忪蒙蔽罔累息屏氣臣聞稷契之疇曰
德受命功德靡堪讓所不如昔之范丐不忘禮讓其下化之春秋
采焉臣小醜不足飭勵曰躡高蹤曰詩人斯亡之戒觀見符策君

國之誨兩印雙紱竝在繫帶至德元功器量宏大猶且踧踖無心
寧止況臣螻蟻無功德而散意茸隴何曰居之且晏嬰辭邾殿之
邑張良辭三萬之戶書籍紀之曰爲美談夫人君無弄戲之言寧
法有誣枉之効臣不敢違戾飾虛曰詎上旨疑礪之誠與神明通
謹奉章詣闕頓首敢固曰請息伏惟雷漏刻一省僵沒之日同壽
松喬

本集案張博百三家集制分
臣忝自參省曰下爲再議表

薦太尉董卓可相國并自乞閒冗章

臣某等聞周有流彘之亂而宣王曰興漢有昌邑之難而中宗曰
昭由此觀之天生神聖特曰靖亂整殘丕誕洪業輔佐重臣國之
楹棟生應期運稟氣山嶽是故申伯山甫列于大雅蕭曹邴魏載
于史籍國遭奸臣孽妾制弄主權累葉相繼六十餘載火熾流沸
浸曰不振威移羣下福在弄臣海內嗷嗷被其傷毒故大將軍愼
侯何進盡忠出身圖議蠲滌曰清季朝羣凶遘難兵起亂作元舅

上卿先寇受害禍至執辱社稷傾危太尉鄒侯卓起自東土封畿之外義勇憤發旋赴京師先陳便宜列表奸猾羣慝情狀辭意激切感物寤靈精兵虎臣承持卓勢奪擊醜類漏刻之間靡有孑遺卓聞乘輿已趨河津身率輕騎長驅芒阜上解國家播越之危下救兆民塗炭之禍然後黜廢頑凶爰立聖哲天心聿得萬國賴祐及至差功行賞辭多受少近臣幸臣一人之封戶至萬數今者受爵十有一人總合戶數千不當一非所曰褒功賞勳也今月七日卓又上書辭疾讓位乞就國土上違聖主寵嘉之至下乖羣心瞻仰之望臣等謹案漢書高祖受命案此下脫一段流離藏竄十有二年陛下應期中興龍飛踐阼奸臣孽孽一時殄盡憎疾臣者隨流埋沒太尉鄒侯卓收拾洗濯上臣高第補侍御史轉治書御史陛下天地之大德聽納大臣扶飾文學遂用臣豈充備機密三月之中充歷三臺光榮昭顯非臣愚蔽不才所當盜竊非臣碎首糜軀所能

足當是
仕字衍

補報如卓者陛下當益隆委任數加訪問厚其爵賞責以相業之
成臣等不勝大願謹陳狀臣邕等頓首頓首死罪死罪臣聞世宗
之時田千秋有神明感動至一言曰寤聖聽昭發上心故有一日
九遷臣邕草萊小臣思謀愚淺生非千秋職不狎練加臣新來入
朝不更郎署攝省文書其猶面牆陛下統繼大業委政冢宰太傅
隗曰舊典入錄機密事尚書令曰碑先輩舊齒德更上公僕射允
故司隸校尉河南尹尚書張熹已歷九列魯旭侍中牧守宣藩剖
符數郡唯臣官薄微賤特單匹此六臣臣當自知況于論者將謂
臣何足曰任夙夜寤歎寐息屏營無顏曰居無心曰寧明時階級
人所勸慕乞在他署抱關執籥曰守漏刻則臣之心厭抱釋降榮
于悴退顯于進不勝區區疑戒不敢肅飾本集案張溥百三家
至所能補報及臣邕頓首至
末別爲一篇與本集不同

雜章

相國金印綠綬位在公上所目殊異休烈羣臣莫得而齊

書鈔一百三十一

一御覽六百八十二

薦皇甫規表

臣聞唐虞曰師師咸熙周文曰濟濟爲寧區區之楚猶用賢臣爲寶衛多君子季札知其不危由此言之忠臣賢士國家之元龜社稷之楨固也昔孝文愠匈奴之生事思李牧于前代孝宣忿奸邪之不散舉張敞于亡命況在于當時謙虛爲罪而可遺棄臣伏見護羌校尉皇甫規少明經術道爲儒宗修身力行忠亮闡著出處抱義皦然不污藏器林藪之中曰辭徵召之寵先帝嘉之羣公歸德盜發東嶽莫能嬰討卽起家參拜爲泰山太守屠斬桀黠綏撫煢弱青兗之郊迄用康乂自是曰來方外有事戎狄猾華進簡前勲連見委任伏節舉麾威靈神行演化凶悍使爲慙愿愛財省稿每有餘資養士御眾悅曰亡死論其武勞則漢室之干城課其文

德則皇家之心腹誠宜試用呂廣振驚西雍之美臣已頑愚忝汚
顯烈輒流汗墨不堪之責不勝區區執心所見越職瞽言罪當死
唯陛下當留神宥察臣邕頓首頓首

本集載文類
聚五十五

爲陳畱太守奏上孝子程末事表

臣前到官博問掾史孝行卓異者臣門下掾申屠覓稱孝子平仁
程末年十四歲時祖父叔病歿末抱伏叔尸號泣悲哀口乾氣少
喘息纔屬舅偃哀其羸劣嚼棗肉已哺之末見食歔歔不能吞咽
麥飯寒水閒用之舅偃誘勸哽咽益甚是後精美異味遂不過口
常在柩旁耳聞叔名目應已淚前太守文穆召署孝義童云已叔
未葬不能至府舍臣輒核問掾史邑子殷盛宿彥等辭驗皆合臣
卽召來見末年十四歲顏色瘦小應對甚詳臣問樂爲吏否垂泣
求去白歸喪所臣爲設食但用麥飯寒水不食肥膩舅本已田作
爲事家無典學者其志行發于自然非耳目聞見所做効也雖成

人之年知禮識義之士恐不能及伏唯陛下體因心之德當中興之運躬秉萬機建用皇極神紀騁于無方淑暘洽于羣生故醇行感時而生美義因政已出清風奮揚休徵誕漫太平之萌昭驗已著臣誠伏見幸甚臣聞魯侯能孝命于夷宮張仲孝友侯在左右周宣之興實始于此且烏曰反哺託體太陽羔曰跪乳爲贄國卿禽鳥之微猶曰孝寵況末稟純粹之精爽立百行之根原其人殄瘁而德曜彌光其族益章臣不勝願會使末美昭顯本朝謹陳狀臣頓首

本集御覽五百二十一引蔡邕奏事進表九百六十五引蔡邕奏事

巴郡太守謝表

臣尙書邕免冠頓首死罪臣猥冒連值盛時超自羣吏入登機密未及輪力盡心日下五府舉臣任巴郡太守陛下不復參論府舉入奏驚惶失守非所敢安征營累息不知所措臣邕頓首死罪知納言任重非臣所得久忝今月丁丑一章自聞乞開宥抱關

有字集
本作服

執籥不意錄符銀青授任千里求退得進後上先遷爲眾所怪不合事宜願乞還詔命盡力他役死而後已臣猥曰愚暗盜竊明時周旋三臺充列機衡出入省闕登踏丹墀承隨同位與在行列已受酒禮嘉幣之賜詔書前後賜石鏡匱禮經素字尙書章句白虎議奏合成二百一十二卷及蓮香瓠子薰爐唾壺彈棊石秤梁飴汁器園廬諸物誠念及下錫惠周至每敕勿謝朝廷之恩前後重疊雖父母之干子孫無已加此未得因緣有事荅稱所蒙不意卒遷荷受非任臨時自陳未蒙省許慘結屏營蹶躅受拜命服銀青光寵休顯上耀祖先下榮昆裔誠非所望臣邕頓首死罪巴士長遠江山修隔頃來未悉輯睦劉焉撫寧有方柔遠功著臣當已頑蒙不閑職政宣暘聖化導遵和風非臣才力所能供給必已忝辱煩污聖朝幸循舊職當竭肝膽從事筋絕骨破已命繼之

本集御覽七百

三又七
百十七

上封事陳政要七事

臣伏讀聖旨雖周成遇風訊諸執事宣王遭旱密勿祇畏無已或加臣聞天降災異緣象而至辟厯數發殆刊誅繁多之所生也風者天之號令所已教人也夫昭事上帝則自懷多福宗廟致敬則鬼神已著國之大事實先祀典天子聖躬所當恭事臣自在宰府及備朱衣迎氣五郊而車駕稀出四時至敬屢委有司雖有解除猶爲疏廢故皇天不悅顯此諸異鴻範傳曰政悖德隱厥風發屋折木坤爲地道易稱安貞陰氣憤盛則當靜反動法爲下叛夫權不在上則雹傷物政有苛暴則虎狼食人貪利傷民則蝗蟲損稼去六月二十八日太白與月相迫兵事惡之鮮卑犯塞所從來遠今之出師未見其利上違天文下逆人事誠當博覽眾議從其安者臣不勝憤懣謹條宜所施行七事表左

一事明堂月令天子已四立及季夏之節迎五帝于郊所已導致

神氣祈福豐年清廟祭祀追往孝敬養老辟雍示人禮化皆帝者之大業祖宗所祇奉也而有司數曰蕃國疏喪宮內產生及吏卒小汚屢生忌故竊見南郊齊戒未嘗有廢至于它祀輒興異議豈南郊卑而它祀尊哉孝元皇帝策書曰禮之至敬莫重于祭所曰竭心親奉曰致肅祇者也又元和故事復申先典前後制書推心懇惻而近者曰來更任太史忘禮敬之大任禁忌之書拘信小故曰虧大典禮妻妾產者齊則不入側室之門無廢祭之文也所謂宮中有卒三月不祭者謂士庶人數堵之室共處其中耳豈謂皇居之曠臣妾之眾哉自今齊制宜如故典庶蒼風靈災妖之異二事臣聞國之將興至言數聞內知己政外見民情是故先帝雖有聖明之姿而猶廣求得失又因災異援引幽隱重賢良方正敦朴有道之選危言極諫不絕于朝陛下親政曰來頻年災異而未聞特舉博選之旨誠當思省述修舊事使抱忠之臣展其狂直曰

解易傳政悖德隱之言

三事夫求賢之道未必一途或曰德顯或曰言揚頃者立朝之士曾不曰忠信見賞恆被誚訕之誅遂使羣下結口莫圖正辭郎中張文前獨盡狂言聖聽納受曰責三司臣子曠然眾庶解悅臣愚曰爲宜擢文右職曰勸忠蹇宣聲海內博開政路

四事夫司隸校尉諸州刺史所曰督察姦枉分別白黑者也伏見幽州刺史楊憲益州刺史龐芝涼州刺史劉虔各有奉公疾姦之心憲等所糾其効尤多餘皆枉撓不能稱職或有抱罪懷暇與下同疾綱綱弛縱莫相舉察公府臺閣亦復默然五年制書議遣八使又令三公謠言奏事是時奉公者欣然得志邪枉者憂悖失色未詳斯議所因寢息昔劉向奏曰夫執狐疑之計者開羣枉之門養不斷之慮者來讒邪之口今始聞善政旋復變易足令海內測度朝政宜追定八使糾舉非法更選忠清平章賞罰三公歲盡差

其殿最使吏知奉公之福營私之禍則眾災之原庶可塞矣
五事臣聞古者取士必使諸侯歲貢孝武之世郡舉孝廉又有賢
良文學之選于是名臣輩出文武竝興漢之得人數路而已夫書
畫辭賦才之小者匡國理政未有其能陛下卽位之初先涉經術
聽政餘日觀省篇章聊曰游意當代博奕非曰教化取士之本而
諸生競利作者鼎沸其高者頗引經訓風喻之言下則連偶俗語
有類俳優或竊成文虛冒名氏臣每受詔于盛化門差次錄第其
未及者亦復隨輩皆見拜擢既加之恩難復收改但守奉祿于義
已弘不可復使理人及仕州郡昔孝宣會諸儒于石渠章帝集學
士于白虎通經釋義其事優大文武之道所宜從之若乃小能小
善雖有可觀孔子曰爲政遠則泥君子故當志其大者

六事墨綬長吏職典理人皆當曰惠利爲績日月爲勞褒責之科
所宜分明而今在任無復能省及其還者多召拜議郎郎中若器

用優美不宜處之穴散如有釁故自當極其刑誅豈有伏罪懼考
反求遷轉更相放效臧否無章光帝舊典未嘗有此可皆斷絕已
嚴真偽

七事伏見前一切曰宣陵孝子者爲太子舍人臣聞孝文皇帝制
喪服三十六日雖繼體之君父子至親公卿列臣受恩之重皆屈
情從制不敢踰越今虛僞小人本非骨肉既無幸私之恩又無祿
仕之實惻隱思慕情何緣生而羣聚山陵假名稱孝行不隱心義
無所依至有茲軌之人通容其中當作桓思皇后祖載之時東郡

有盜人妻者亡在孝中本縣追捕乃伏其辜虛僞雜穢難得勝言
又前至得拜後輩被遺或經年陵次曰暫歸見漏或曰人自代亦
蒙寵榮爭訟怨恨凶凶道路太子官屬宜搜選令德豈有但取亡
墓凶醜之人其爲不祥莫與大焉宜遣歸田里曰明詐僞後漢茶

諫用三互法疏

裁文類聚六十
作制州刺史議

臣聞國家置官曰職建名臣愚淺小才竊假階級官已議為名職
曰郎為貴智淺謀漏無所獻替夙夜賠歎憂悸恒惕臣固頓首死
罪伏見幽州突騎薊州強弩為天下精兵國家膽核集本作瞻從北堂書鈔
一百一十七騎篇一百二十五四方有事軍師奮攻未嘗不取辨于
二州也頃者已來連年饑荒穀價一斛至六七百故護烏桓校尉
夏育出征鮮卑無功而還士馬死傷者萬數弓兵散亡幾盡生民
之本守禦之備無一可恃百姓元元流離溝壑寇賊輩起莫能禁
討長吏寒心朝不守夕卒有他方之急則役之不可驅使自為寇
虜則誅之不可擒制豈非可憂之難三府選幽州刺史踰月不定
臣怪問其故云避三互十一州有禁當取二州而已二州之中少
素有威名之士或拘限歲年不應選用狐疑遲淹兩州空懸萬里
蕭條無所管繫每冀州長史初除詔書治嚴不過五日今者刺史
數旬不選誠非其理愚曰為三互之禁禁之薄者曰陛下威靈申

明禁令對相部主尙生畏懼不敢營辨況乃三互何足爲嫌孝景時梁人韓安國坐事被刑起徒中爲內史武帝患東越數反拜故待詔會稽朱買臣宣帝時患冀州有盜賊故京兆尹張敞有罪逃命上使使就家召張敞爲冀州刺史安國徒隸買臣郡民皆還治其國張敞亡命擢授劇州豈顧三互拘官簿得救時之便也卒獲其用遺芳不滅此先帝不誤已然之事三公明知二州之要尤宜揀選當越禁取能已救時弊而乃持畏避自遂之嫌願爭臣士人之責苟避輕微之科禁竊見日月拘忌選旣稽滯又未必審得其人則二部蠡口將爲憂念願陛下少蠲禁忌上則三帝用三臣之法任職相口故吏在家若諸州刺史器用可換者無拘時月三互已差厥中臣僕悞發瞽言幹非義惟陛下留神再省三省

本集又略見燕

文類聚五又六十
御覽三百四十八

伏見幽冀舊壤鎧馬所出比年兵飢漸至空耗今者百姓虛縣萬

里蕭條闕職經時吏人延屬而三府選舉踰月不定臣經怪其事
而論者云避三互十一州有禁當取二州而已又二州之士或復
限曰歲月狐疑遲淹曰失事會愚曰爲三互之禁禁之薄者今但
申曰威靈明其憲令在任之人豈不戒懼而當坐設三互自生留
閹邪昔韓安國起自徒中朱買臣出于幽賤竝曰才宜還守本邦
又張敞亡命擢授劇州豈復顧循三互繼曰末制乎三公明知二
州之要所宜速定當越禁取能曰救時敝而不顧爭臣之義苟避
輕微之科選用稽滯曰失其人臣願陛下上則先帝蠲除近禁其
諸州刺史器用可換者無拘日月三互曰差厥中

後漢蔡邕傳
與本集小異

賜進士出身二品銜廣東學處提刑按察使司按察使兼管驛傳事務黃岡王毓藻校刊